

զիս եւ եդ ի մէջ էջմիրածնայ. վերջն բազում հոգեւոր ընչից տիրանաս (ասաց). եւ ես ոչ հնադանդեցայ նմա եւ ելայ ի նմանէ անդիտակ, բազում տառապանօք եւ եկայ ի Համչէն<sup>3</sup>». այսինքն Մովսէս կաթողիկոս նկատելով թէ «վարդապետին» ուսումը շատ թերակատար է, առած է վարդապետական գաւազանը ժամանակի մը համար ձեռքէն եւ գանիկա էջմիրածնի Դպրատունը մուծած՝ ուսանելու համար. բայց Կարապետ կարգի եւ կանոնի անընտել՝ անձուկ կը գտնէ այն շրջանակը եւ գաղտագողի փախուստի կը դիմէ :

28. ԿՈՆԴԱԿ ՄԱՂԱՐԴԱՅ Ս. ՆԱԽԱՎԿԱՅԻ ՎԱՆՔԻՆ

Մովսէս կաթողիկոս, որ ամէն ջանք կը տանէր Հայաստանեայց եկեղեցւոյ հին կարգերն հաստատել եւ կը պայքարէր զեղծումներու դէմ, չէր կրնար անուշաղբի թողուլ թեմերու կազմակերպութիւնը եւ ներքին բարեկարգութիւնը: Այս նպատակաւ ալ կարեւոր թեմերու համար կ'ընտրէր իւր ձեռքին տակ մարզուած առաջնորդներ: Ուր խոհեմութիւնը չէր թելադրեր նոր փոփոխութիւններ ընել, կը զրէր հրահանգներ տեղական առաջնորդներուն, եւ կը պահանջէր, որ որոշումներուն ճշդիւ հպատակին:

Այսպիսի հրահանգական կոնդակներու թիւը մեծ եղած պէտք է ըլլայ: Բայց անոնցմէ մեզի հատ մը միայն հասած է, ուղղուած Մաղարդայ Ս. Նախավկայի վանքին: Կ'երեւ-